

道咸同光四朝詩史

林鴻年字勿村福建侯官人道光丙申狀元官雲南臨

安府知府有松風仙館詩草

道光丁酉奉使册封琉球吳晴舫學使親風入

聞以送行序命題

西遊集

一卷爲魏秀仁所刊時

在咸豐十年魏序云

松風館全集含英咀華平於耀

躁合於溫柔敦厚之旨而先生僅以西遊集付刊蓋其慎也先生嘗云詩文爲之太易則傳世必遠

楊忠愍公墓道

殿前員外擊神姦遺囑傳觀淚盡潛狄道君恩思強起容

城鄉夢斷生還東樓雲黯無佳氣西市風香有笑顏手筆

淋漓曾仰止焦山山上拜椒山

晉陽道中憶紅拂虬髯故事

綺羅環擁肉屏風慧眼偏逢李衛公挾策從龍天子氣入
門下馬美人虹鏡中夫壻雙身見局外江山萬劫空落魄
英雄多逆旅虧他巾幗識英雄

有命在天任自爲不須待到挂弓時龍顏已信眞人出雞
口何求俗子知千里同根花姊妹一堂奇氣劍雄雌他年
絕島居南面可想掀髯定指麾

謁西嶽廟望華山

周秦古木繞天宮七二峯高似祝融柏樹化牛圓抱石蓮
花落雁峭摩空無書絕壁投韓子有墨穹碑搨魯公他日
好攀高閣上更看涇渭與河潼

咸陽道中見鶯粟花感賦

濃紅淡白閒禾麻流出膏脂幾萬家原隰响响田上上可
憐栽徧米囊花

十萬金錢賦一叢不如芍婢立當風花王富貴消磨盡散
作樓臺煙火紅

黃紹芳字小石福建侯官人道光丙申進士官刑部主
事有蘭陔山館詩鈔

九日遊承天寺鸚哥山

來作茱萸醉一場角聲吹晚海風涼霞明極浦帆千葉秋
冷晴天雁數行人代滄桑消霜業江山麗藻入詞章永嘉
南渡衣冠地景物猶傳似洛陽

山行詩

春山如佳人終日對不厭清溪開鏡函靚妝照漱澹修眉
髮鬢髻欲妒顏色豔纖穠皆可圖但恨畫手欠溪邊三五
家佳處茆庵占誰與此躬耕時復角巾墊遇勝輒留連譬
若食求饜帘影遠招人郵酒味頗醲夕照上桃花春風滿

山店

仙霞關

竹光團綠雲日色冷孤嶂山落百蠻中路出青天上關門
迴孤峰飛鳥未敢傍一綫走中原石角皆北向閩藩昔茅
蘗豕突逞狂妄堂堂李文襄提兵扼其吭賊騎阻長驅當
關氣特壯旌旗太末城俯視覺神王半壁東南天一洗黃
茅瘴清宴三百年雞犬保無恙時有採樵人落日聞歸唱

暮抵坊口

墟落生晚煙暝色帶諸嶺宿鳥投林喧水田亂鼃黿嗟予
事行役踪跡逐蓬梗邇復爲饑驅薄暮馬猶騁星火出遙
村初月吐微影未厭征途紆愛茲山路靜

周沐潤字文之河南祥符人道光丙申進士官江蘇常

州府知府有復素堂詩文集蟄室詩錄

冒廣生云先生以挾妓飲

酒視職其答人問被劾詩云坐緣宰相特薦去特和

將軍競病來又云靈雨幾曾桑下宿使星還爲蕩蘭

淹豈緣風月關防密或是春秋責備嚴尋遇均爲從

赦歸時甫行次洛中荷戈之奇賜環之速均爲從

前所未有尚有何亭子詩文集及環齋四

印齋諸集四印齋詩集最多有二十六卷

八月十二日常熟陷奉 旨該縣官紳困守百有餘

日實屬忠義可嘉此次因久無援兵以致失陷深

堪憫惻等語蠅蝨微臣艱危憂憤方痛無路自申

猥蒙 天語溫霽洞見萬里感激涕零恭述二首

四月孤城淚眼枯蒼生板蕩與匡扶薦紳宅第歸狐兔文

武衣冠坐炭塗柱下若逢周太史江東爲報管夷吾分明

堯舜中天日溝瀆西山豈丈夫

兩度登陴捍賊堅存亡成敗本由天三書空效包胥哭沐

乞兵薛帥並上書

曾帥求援東南 一旅曾無祖逃鞭老死豈關天下計餘

生端荷

聖人憐悠悠青史無公論倚樹秋江思悄然

與常熟趙常博

宗建

圖復縣城家毀而難未紓感賦

仗義疏財有大名南州人說趙營平一編風雅生忠孝九
土神姦貌樸誠天下蒼生方苦賊江東子弟浪談兵赤眉
未了黃金散突兀胸中五嶽生

猿鶴曾煩掃徑迎小園松菊早寒盟薈騰十日平原酒寂
寞千屯充國兵莫使世情輕趙括誰將軍事重龐萌君看
跛鼈詩成後漫說麒麟閣上名

感懷

後死吾多臯餘生世寡恩安危何所繫成敗與誰論道直

難爲用心孤不易言躬耕東海上莫復問桃源

天地刀兵劫東南服食妖薦紳鳩毒誤風俗雉媒嬌廉恥
四維喪奇淫百貨饒貞元人事復愴悶到漁樵

吳門變亂久禍不始黃巾國病民兼困紳豪吏不循法摧
三貴角恩拊四窮呻臣臯由茲獲條言在戊申

省會倉皇失人心喪亂餘孤城唐許遠痛哭楚包胥淚盡
琅邪稍心傷尙水魚東南財賦地萬古一長吁

紀事

宵旰勤民瘼艱危啟 聖衷 九重憂懼獨四海亂離同
割地蠻夷狡滔天寇盜充轉輸空郡縣推轂幾王公天地
刀兵內蒼生水火中 乾乾長在抱蹇蹇之非躬 帝有
回天力臣無報國忠名藩爭燭竈言路罷鳴驄上相委蛇

巧諸曹慕羶叢賢良紆漢策構机蔽唐聰温樹頻私語京
華必內訌徒然禽一虜未得論羣蒙細柳猶冰戲長楊突
火攻 六飛親御駿萬乘孰當熊虎氣風旋黑 龍顏日
駐紅上書三伏闕扈蹕九成宮警夜頻虛枕防秋忽墜弓
地眞迷 七聖天不祚 重瞳 冲聖風雷益春王草木
豐因承 先帝志一洗萬方恫負展流三叔賓門黜四凶
朝廷正交泰海宇盡呼嵩 太后臨朝肅羣賢擢野通
經綸赤松子輔弼紫芝翁遂有中興象甯無外攘功青宮
纔日麗黃屋正春融豺虎宜投北鷓鴣必徙東 聖功觀
養正羣策贊 平戎倚馬才非傑猶龍技不工卅年甘
宦拙百事謝丞聾欲識天心轉須覘世運隆臣嘗艱險備
吾道未應窮

周源緒字復之號訕盦河南祥符人道光丙申進士官

安徽安慶府知府有訕盦遺稿

文之太守沐潤之三弟

過彭城懷張石卿親家

時石翁被誣往黑龍江間攜眷行

前飛鳩鵝後鴉鴿皖中刺史歸故鄉
鶉衣百衲足重繭躑躅行吟官道旁
昨過彭城參石佛整冠膜拜聲琅琅
此行倘陪汧督寄誓死不作顛吾颺
惟時賊氛徧兩皖首尾連亘江淮
長卑官進退盡失據殘軀投虎如眠羊
所喜賢臣疊進用張袁賊好同鷹揚
填胸涕淚忽收拾時危賴有賢封疆
盛衰翻覆那可保真見黃河如帶小
時河決彭城以下斷流蛟龍偃蹇困泥沙
鰕鮑縱橫戲行潦老人停車坐歎息
何怪浮生事顛倒風雲將帥起張公手縛長虬定江表
一從四履借偉人翻使孤生竄窮堡憤極霜飛鄒衍冤望穿節共

馮唐杳嗟我殘年得快婿有女垂髫還在抱那堪荼毒到
深閨忍看伶俚傳出遠道兜離窈停非我都兄行何苦嫂亦
俱一身投荒萬罪滅聖恩豈肯連妻孥雲龍山下好廬舍
我願卜宅從公居他時來往成一老濁酒傾盡牆頭呼

書感寄呈午丈

時午丈奏謝僧王督
兵南下四首錄二

謁帝向金殿因爲萬里臣自憐衰病骨得遇太平春忽阻
瀾滄渡來親銅馬塵飄零看一老吳會莫容身

義旗纔號召穎毫盡投戈豪氣吞南帥孤軍扼大河巡城
雙棒在拜表一冠我亦念還朝去維持國事多

天塹悲全擲儼幢賊艦長昨聞陳 聖主莫自棄南疆將
帥橫戈久親賢仗鉞望萬年甥舅國容慮馬蹄狂

江忠源字岷樵湖南新甯人道光丁酉舉人由大挑教

職麻官安徽巡撫殉難廬州 詔贈總督 子諡忠

烈有江忠烈公詩稿

由郭太守
潤志錄示

寄郭筠仙

嵩巖
意城 崑巖
昆仲 二首

翠栢產高岡百卉無顏色得一已足珍雙株况挺特物生
固難量才大天所嗇嗟此獨鬱葱吹噓豈人力大厦需棟
梁良工終見識霜雪雖云苦摧挫實培植保此後彫心無
爲徒鬱抑

訂交近十載相見能幾霜京華一相失各在天一方昨夜
夢見君携手入我堂覺來仍萬里殘月照我牀吾思齊年
中莫如與子臧子今旣憔悴我意亦淒涼淒涼何足惜但
恐鬢毛蒼各理千秋業努力愛時光

發都門二首寄別曾滌生庶子

久客思鄉井常恐歸無時僕夫已趣裝又作別離悲別離
隨處有感君入心脾逢人誇我賢相對仍切憇緬思古人
交形隔神相隨君非私所好此意我自知西風何太急臨
歧吹我衣

向晚渡桑乾月暗雲水黃平生四度過今夕真淒涼我友
曰爲鬼我師復病牀咫尺行不易况此道路長蟋蟀號四
野悲風動陰房遙憐高堂上今夜夢還鄉

癸丑章門病中感懷

東望三城久未收又聞鼙鼓入中州孤城保障吾何敢大
局艱難劇可憂前席屢思廉李將中興誰是岳韓儔危時
抱病多憂憤差喜甘霖兆有秋

馮桂芬字林一又字景亭號校邠江蘇吳縣人道光庚

子榜眼由編修厯官詹事府中允有顯志堂詩文集

詩一名夢
柰詩存

旅懷

慈烏念反哺羈雁傷孤栖有情詎能免親愛嗟長離他鄉
春事薄楊柳青依依節物易迴換故我心慘懷傲貂貯篋
中怕見來時衣獨坐思無賴愴然理朱微幽意誰可告埃
館空斜暉

楚霸王墓

赤蛇化龍白蛇死神雖不逝空千里英雄末路兒女情白
刃紅顏照青史肯將一死殉君王一妾一馬亦足矣生前
三尺之劍裂九州死後七尺之軀五諸侯彭城一叱數里

走卻向烏江爭斷首咄嗟何物赤泉侯地下相逢顏赤否
今古賢愚一死同從容意氣誰如公天果亡我渡何益揮
手笑謝艤舟翁吁嗟乎葬用公禮史本紀千秋定禮竟誰
是一碑突兀峙道旁淋漓大書楚霸王

讀通鑑二首

六朝宗法若相承骨肉摧殘迭廢興誰料天西荒徼外脩
然猶有古延陵突厥沙鉢略卒舍其子雍虞闢而立弟
處羅侯交讓至五六而處羅侯始立

異姓封王貴絕倫占公妙術果如神北軍少長全收日泉
下應須悔相人

寄丁雨生中丞粵中

昔年從公宴官閣贈我三百紅荔支短章袖互裁答詩
思拂拂生兩眉鄙人所作若知莒口懾齊晉甘伏雌茲公

閉關越三載濫言痛戒莊生厄雕肝鏤腎亦小技非公所
喜非我爲東南疾苦公所軫強爲公言公勿嗤昔公撫吳
下車始焦心民事霜生髭神燄額瞬公所惡貧黎剗肉公
所悲愛其苗者去其莠勿使根本功稍虧公才不愧古良
弼公心直可通牟尼吾師遺愛數十載謂林文忠公繼其後者

惟公推一朝別我南海去布帆獵獵春風吹天涯海角苦
迢遞形影不得相追隨神君德政在人口鄉里父老能言
之公言鄉胥大橫暴強如猛虎難捉羈此風豈獨嶺南有
滔滔皆是遑問誰吳中得公暫整肅風氣直欲迴澆漓伺
公之行燄轉熾欺嚇鄉井如愚癡堂皇坐者護牙爪縱使
大海翔蛟螭舊科新額意翻覆一飽遑惜千家飢平江一
帶億萬戶攜鋤南望涕淚垂思公望公不忍釋安得再見

公旌旗當天赤日衆辟易驅除罔兩鞭魑夔憶昔胥江送
公處江頭楊柳青絲絲吾吳省例半公創歎公一去誰主
持鄧尉山下萬梅樹舊游恂况今莫追承公手翰重披覽
平生襟抱有如斯灌園種竹寓言耳草木豈足供指麾公
所欲言我亦爾同聲恍若塤和箴公今研古志不已丹黃
甲乙編鱗差草廬高臥不肯起揭陽之水清漣漪優游歲
時亦云樂舊部民瘼何從知盼公更建兩江節莫歎人間
長別離

廉兆綸字琴舫順天寧河人道光庚子翰林由編脩官

至總督倉場戶部侍郎有深柳堂詩存王璵傳略云公一生清風

亮節海內宗仰衡校得士最盛其經濟顯著尤在江右以學臣而規畫兵事當憂危之際左右動色相顧

公從容籌策出以沈毅發縱指示所向有功詩稿未刊由令孫繩祖鈔寄久直南齋多應制鴻篇

雜感咸豐己未八首

好在青驄欸段行忽思徒手控長鯨漏卮也擬防金盡大
錯翻教鑄鐵成已遣鄭和通海運何時裴度奏淮平珠厓
銅柱天王地莫縱潢池久盜兵

藤峽寒雲鎖暮鴉梧江霜月咽悲笳孩兒已入車箱隘上
將空矜馬齒加便覺一州歸指掌劇憐四鎮走蟲沙令人
苦憶陽明老白手成功入九華

狂飈未散桂林香回薄長沙勢轉猖大宿平沈漢諸葛危

垣獨立魯靈光蟻封妄欲齊衡廩龜策何緣過岳陽誰與

梅花吹玉笛江邊黃鶴總滄桑有以亂卜云甌破不堪回首望岳陽黃鶴兩樓高

神鎗雷電箭鳴鷓帝子勳名在岳州懷德維城從古志開

門揖盜此誰尤風沙滾滾妖旗暗江漢滔滔戰壘秋王粲

文章名藉甚不堪回首舊登樓

金陵門戶是荆襄鎖鑰依然壯武昌破竹早應收白下捷

旗况已定朱方噪林尚縱千狐集闕穴徒聞兩鼠傷稍喜

軍門貔虎在雨花臺畔動星芒

風回豫晉走蠻雲山繞畿臺鉞鹿羣銅馬奔馳排鬼陣水

羊淩亂接妖氛纏頭甘附黃巾黨奮臂爭與白甲軍自賴

深恩流累禩終憑眾志建殊勳

嶺海珠光尚寂寥江淮兵氣幾時銷華山東道無歸馬大

海西音未變鴟豈有倭氛來日本於今鬼國號天驕諸公
莫灑新亭淚要竭涓埃答 聖朝

堂堂開府重朝端殊錫皆加司

司字去音

馬官豈望龔黃專作

吏爲儲頗牧要登壇 一人宵旰分憂少九道旌旗慮勝
難何日天河齊洗甲 恩波浩渺望長安

黃莘農前輩同年巡撫粵東瀕行囑題檢書看劍圖
重瞳好書兼愛劍可惜淺嘗心輒厭少陵看劍復檢書稷
契高懷空自歎我公之文卽元氣扶漢分章星斗燦我公
之武本儒風縱虎斫蛟功自爛憶昔西江侍杖履蚩尤旗
閃潯陽岸公惟書劍以自隨談笑戎機氣安宴一從擾龍
居上游郵筒尙記溝中斷爾來一笑成握手颯爽英姿畫
圖現讀書不在多中令但治論語半學劍不須仙澹臺一

怒鯨濤斂乃知我公爲此圖遠思琴鶴追清獻公今化行
在南國司馬中丞文武憲功成卻現宰官身好取麟圖光
紫殿

奉 勅敬賦喜雪

昨日江南馳報捷千門萬戶同欣悅和氣蒸成玉宇雲晴
宵釀作瑤天雪乍看喜意發心穎漸覺清光開眼纈冷壓
虬枝松獨秀春生驛路梅堪折 上林倍覺勝人間瓊樹
琪花共奇絕黃金瓦滿動光輝白玉墀高增皎潔 九重
夜永不知寒總爲豐年 聖心切 至誠感格通臍蠻喜
值紅旌揚 大烈好付弓衣與織成助歌飯甕歡心結

馮譽驥字展雲廣東高要人道光甲辰翰林由編修歷

官至陝西巡撫有綠伽楠館詩存

道光癸卯冬間公方爲孝廉將赴禮

部試攜詩過張南山先生維屏談至夜分南山贈詩有才華洞庭水事業泰山雲骨要冰霜鍊詩真蘭蕙薰之句又云湘管聲華傳鄂渚玉溪才調擅韶年蓋因稿中多楚作且七律一體極似義山也

湘江雜詠

十載荆南客浩然思遠遊西風吹落木森森洞庭流

是夜泊三

江口阻風身世雙蓬鬢乾坤一葉舟相關憂樂計好上岳陽樓

莫問湖湘勝荒涼不可尋氣吞七澤小煙鎖五谿深香草澹於昔綠雲垂至今天高猿嘯急彷彿助行吟

白芷王孫宅蒼梧帝子家城臨地卑濕帆趁水橫斜在昔留文藻何人託後車賈生正年少未合寓長沙

張南山郡丞

維屏

以浴日亭六次蘇韻詩見示奉和

天雞三唱徹南天誰捧龍珠駐碧灣欲洗心懷傾海水還
憑手筆助江山千重波浪浮元氣萬國帆檣解壯顏便許
金鼇凌絕頂丹輪飛出五雲間

未看南衡彩燭天

去春過衡欲登南岳觀日未果

卻聽銅鼓到黃灣

銅鼓在南

海神廟

一丸擎出騰龍戶百寶凝成射虎山人海塵勞誰破

夢江亭今古此開顏昌黎碑碣髯翁句萬丈光芒霄漢間
扶胥南下水浮天火樹齊開第幾灣鼇背倒流雲際日虎
頭排出海中山光騰蓬島搖游目彩奪咸池映醉顏欲抱
陽和光宇宙騎鯨踏上翠微間

奉題李師雪樵通守

敦業

西涼撫番圖

漢時烽火唐時月譜出西涼馬上曲十萬健兒晚射雕四
家舊將朝馳鹿蝸角忽聞蠻觸爭龍支本是犬羊俗吾師

捧檄來殊方安邊遠法臨淮王輕裘匹馬衣冠會白草黃
雲風雪場孟樂和我因魏絳諸酋迎拜見劉郎虎鬚校尉
衣紅錦嗅地羣番咸引領毳帳秋風紫塞寒羔羊春酒黃
龍飲過客猶看洞口碑居人不挽軍前楯昔也爭門今耕
耔一犁膏雨自云云昔也擾攘今懾伏三城守埤徒紛紛
吾師撫衆兼息戰得自革心非革面平原繡像競傳觀張
子散軍能應變況聞寶安民奉公通守攝合揚仁風師攝
新安
篆一洗械
門之風爭說賣刀今渤海誰知治蜀舊文翁我朝疆
宇廣邊幅番回小釁空奔逐不勞列幕樹旌旂已見解鞍
肥苜蓿我亦韓門弟子忝知名投筆窗前尚有情竊將淮
上銘功句寫作涼州鏡吹聲

鄂渚懷人詩

半載飛鴻爪跡留偶思登嘯坐南樓寂寥師友無消息月
落梁間我欲愁

錦袍坐月海波平琴鶴蕭然老宦情爲報潮州賢郡守可

容湜籍署門生

李雪樵先生權潮州郡
先生前作珠海乘楂圖

繡野秧高春叱犢錦堂花落晝懸魚城西亦有西湖水持
比官聲尙不如

萬榭香明府攝篆徐聞

暫脫朝衫懶服官傳經心事解人難先生合是林逋老要

與梅花訂歲寒

林芾南先生

黃流曲曲九迴腸宿海東來接混茫要挽狂瀾須巨手忠

宣經濟在河防

林少穆先生奉命効力南河

瀟灑珠江一老漁

郡丞有印曰
珠江老漁

黃門幾載好家居聽松廬

外松風謾

郡丞所居

偷得閒身便著書

張南山郡丞

冰冷頭銜愛廣文苦吟不道做精神塵封綠綺琴臺寂千

載知音鄰舍人

陳仲卿廣文 鄰海雪綠綺琴
唐武德六年製今藏廣文家

筆牀茶竈舊生涯廿載饑寒不離家明月當頭盃在手一

雙人影拜梅花

彭子大明經

君在荊州我鄂州白蘋思煞楚江秋東陽瘦盡綠何事莫

向風前獨倚樓

沈大二如

雞門同爭少小名聞君蹉跌倍愁生抱琴我亦慚焦尾流

水高山空復情

鍾大杜如

圖樵枯樹趙承旨碑寫靈芝蘇武功書畫債多餘事少此

君大有晉人風

熊笛江廣文

楚尾吳頭路暫分青山紅樹最思君秋風昨過臺城路記

否前身是子雲

蕭子橋孝廉工書

都門並轡去南天破帽騎驢各自憐惆悵君歸偏我住洞

庭遠盼木蘭船

陳雨生孝廉

珠浦輕帆翦暮雲新知翻悵久離羣知君梅菜村邊住夢

到梅花卻憶君

周石南拔萃

搖紅燭影燼三條根觸京華旅夢遙秀句吟成還擊鉢竟

陵詩派起江蕭

會亦廬孝廉
吟蓋同人聯課之作

君兄元海著有擊鉢成之

春思

自君之出矣節物迴青陽倉庚鳴啾啾林卉幽以香綠陰
羃春郊羣女出採桑皎皎秦羅敷終日不盈筐葉多飽春
蠶吐絲宛轉長宛轉復宛轉寸寸繫人腸

文星瑞字樹臣

號奎垣以字行

江西萍鄉人道光甲辰舉人官

知府有嘯劍山房剩草

尊人叔來太守殉難梅州君憤不欲生殺賊復仇詩筆

沈雄一空依傍且吐詞命意原本忠孝有句云一腔熱血千行淚不是詞人月露章

羅陽禦寇感賦五律八首

豈料瀧西郡天心未厭兵古來多嘯聚今此復縱橫殃倏池魚及聲先唳鶴驚逃亡知幾許流涕爲蒼生

草竊成何事當時誤養癰不圖狐鼠輩竟與虎狼同一闕鄉兵散千村廩積空自嗟門戶失未敢怨鄰翁

劫急誠難料軍孤強自支沙寒朝勒馬月黑夜登陣刀矢臨淮志笳含越石悲由來盤錯意不必嘆嶇崎

援師望甫至裏甲竟蹉跎壯士擐旂少將軍跋扈多符誰奪晉鄙律總廢蕭何料得籌邊者從容正雅歌

辛苦軍儲竭支離此局艱已同孤注擲強繫衆心安餉饋
經時達旌旗變色看詰朝誓相見西賊膽先寒

報 國男兒事臨危敢惜身千軍麾赤幟一戰走黃巾所
向真無敵成功訝有神瘡痍仍滿地莫厭撫綏頻

掃蕩纔今日安危恃此衷篋書聊免謗保障敢論功未可
忘憂患相期慎始終誰言彈丸地盡職普天同

苦憶艱危日蒼黃事事非奴辭穎士去客棄孟嘗歸痛定
心猶切愁深鬢已稀何當謝簪紱閑卧掩荆扉

寇退後內子攜兒女返署度歲

舉家分散一身危別後淒涼祇自知已分巢無完卵日不
圖鏡有復圓時空堂坐對翻疑夢往事重談轉覺悲最是
嬌癡小兒女犂裙繞紉不相離

孫壽祺字子福江蘇太倉人道光甲辰舉人官廣西柳

州府知府有子福遺草

錢唐周福昌所刊序云官秋曹時境極窮困守鎮江時

勢極危迫出知柳州時以直去官皆人所難堪之境而吟詠自如不改常度

讀鹿忠節公無欲齋詩鈔敬成長律

多事乾坤奈若何感時涕淚入吟哦直將杜甫牢愁句併
作文山正氣歌忠義一生肝膽在英雄兩字性情多風花
雪月尋常見都被先生筆掃過

贈岱雨

天生我兩人分開七千里忽然撮合之日日共窗几若非
有夙緣萍蓬難得此無怪兩年來形影不離咫禮數略主
賓界限化我爾出者倏復入坐者恒弗起有心無不譚捫
胸各自指若論面目間頗覺不相似我愛步康莊著腳就

平砥君喜闢恒谿制勝出奇詭我言最坦直意盡而後已
君語善含蓄不肯露底裏所以兩人交冰炭而水乳意見
或不合各自爭一理我方怒眦裂含笑君竊喜及我怒解
時我亦笑不止忽怒忽喜中不解其所以試問世故交幾
箇能如是

丙寅臘月罷官將歸和吳鴻石通守

其遠

送行韻

天涯倦鳥久知還兩髻繁霜換舊顏去去江湖嗟道遠匆
匆詩酒惜緣慳萬愁都付杯中物一路貪看畫裏山穩送
歸舟慈母健勞勞塵夢總須刪

來去無端總有天初心何敢負從前遠遊萬里原非計小
住三年卽是緣浩落乾坤貪看月迷離夢想竟如煙迂疏
自笑書生拙慚愧風流擬昔賢

元唱末聯云悠悠宦海原無定可記當時子厚賢

王 權字心如號笠雲甘肅伏羌人道光甲辰舉人官

陝西富平縣知縣有笠雲山房詩集

同治二年南軒先生汝煥殉節

平涼君墨經從戎誓翦賊以復父仇入穆制軍及林

方伯幕治軍甘南屢建勛績旋官陝西延長興平富

平諸邑所至民懷其德光緒甲辰重宴鹿鳴得旨

賞四品銜年逾八旬猶勤著述於考據訓詁致力尤

深詞章亦淹雅西

北土類咸宗仰之

憤詩

庚申冬日作

四首

渤海大波震頌洞天日昏中有萬蛟鱷噴毒凌北辰羣仙
正宴飲散作流星奔玉皇爲變色乘龍下蒼旻參罰氣澀
縮復弧光鬱湮天狗不搏噬搖尾何其馴巍巍玉京闕竟
使鱗介蹲仙人心胆異効媚忘酸辛議傾天庫寶擲向洋
海濤嗚呼雲路迴懷憤誰能詢棄官訪壯士今日何乾坤
讀史一千卷大恨明萬歷幻說來海西欲與周孔敵堂堂

詩禮邦無人肯培擊舍我醜酬醇而啜葛藍汁爭託貝多
花種之妨黍稷彼教一入門流毒遂無極誰信五州圖中
有矛與戟傷哉三百年伏火竟難熄

漢文撫匈奴息民捐歲幣唐人踵其轍德威亦已替宋家
澶淵盟臣良國有備論夷迄建炎神州黯無氣驕虜巢京
華宰相獻和議桓桓陳少陽抗疏伏丹陛天聽雖未回炎
火已潛熾今也無此時望古空垂涕

大庾梟安史回紇乃桀驚韋臯圖吐番卒亦啟南詔宋納
女貞朝子孫受凌暴禍福環相胎隱隱雖在拖萬事有機
緘未發誰能料偉哉古哲王閉關絕海徼貢市且不通何
由啟剽盜四夷窺吾邊初若箝中燭開門縱之入坐看原
野燎民今方夢夢安得呼使覺

感事

妖兒睽陽出炎方誰釀兵胎勢寢張剃髮便能清蠹蝨回
車卻自避螳螂榕江杜宇啼紅樹桂嶺機星動碧芒歎息
南陽鄒潤甫暮年人喚作蕭娘

鼠黠狼貪本性成妄攀宗派假滯名蕭梁何處留孫子張
寶公然結弟兄久矣東流無砥柱危哉西縣是空城諸公
正珥鄒枚筆摘藻蘭台不語兵

漢家左相舊詞臣受鉞專征桂水濱謝萬在軍仍玉塵武
鄉聞敗尙綸巾渾忘 聖主曾推轂誤信王師不殺人釜
底游魂偏縱去江湖從此少恬鱗

人中騏驥數徐侯壞局原應付奕秋奇計那曾出三駟備
身空自有千牛羊城緩整貔貅隊鯨浪掀翻鸚鵡洲按甲

衡陽眞鑄錯桑榆後效幾時收

將軍向寵世爭稱東略賢侯更震矜可否韜鈴相伯仲其
如臭味別淄澠坐着狡兔營多窟聊向潛蛟設做醫建業
未收須併力濬渾何事不相能

趙北燕南節士多年來流落竟如何舊巢已破烏巡樹秋
汛無防豕渡河掃榻正酣張浚睡投壺爭誦祭遵歌九重
神聖方宵旰努力終揮返日戈

廬江行

爲江中丞作

於赫江公胆如斗狂寇聞名吐舌走

天子親授朱雀旂

節鉞東指巢湖口鏹奸剔蠹廬江清拔刀欲斬胡太守太
守乞活肉殼蘇方伯監司跪且伏庸人媵媵智者憂有刃
不刺賊臣腹賊臣腹中鱗甲橫歎欲風浪延蛟鯨鐵牡夜

飛走卒出一紙潛約紅襖營選將出師正酣戰鼓裂旂翻
事中變叛人揖盜重門開毒霧腥風塞四面中丞拊膺臣
負國一柄旁牽古所歎冠纓整肅投清澤箕尾光芒返
碧漢義士穴城負骨來四民痛哭三軍哀顏色如生目炯
炯卻看江甸皆塵埃吁嗟大節誰偏比自是儒冠舒城李
一時愚忠有管生手執書編爲國死

楮生歎

孔方柄國三千年朝野屈附無愚賢朱提公子最晚出筦
攝海嶽隔雲日何物楮生來會稽權力儼與二豪齊天生
羣才各有位薄劣安得驟華貴君才自可供書倉出入九
府甯所長名重質輕增歎息近聞聲價高洛北

文縣學署雜感

辛酉六月作

客鬢蕭騷六月寒，強銜杯酒總非歡。
來游裸國儒衣賤，欲鑿茅心鬼斧難。
減料得毋銷駿骨，累人終不爲豬肝。
口吟七字慚親友，如此年華作冷官。

挾卷嗒嗒舌告疲，河汾雅化渺無期。
投膠止濁功難遂，伐鼓驚聾事近癡。
對面任人呼以馬，初心本自憚爲犧。
溫不增華寒不落，庭前老柏是吾師。

浮生榮悴故難齊，試問天公恐亦迷。
吹向雲端皆紫鶴，老於甕底有醯雞。
勢途驟比翻盆雨，人事曲如跨水霓。
獨抱深憂無語處，看雲拄冷一條藜。

近聞烽火逼三巴，低首琴書暗自嗟。
下士微臣悲蟣蝨，中原戰士剩蟲沙。
世方棄寶尊魚目，我擬爲金鑄鮑牙。
知已兩三生，死隔淒涼獨坐聽吹笳。

林壽圖字穎叔福建閩縣人道光乙巳進士官陝西布政使有黃鵠山人詩鈔

明景帝廢陵

白虎齧斷金山坡重湖裂帛澌寒波紅羊劫火燒不盡朔風捲地吹蓬科頽垣斷瓦窳蒼鼠敗荆廢棘埋銅駝七年天子慘如此雍門躑躅哀音多徽欽北狩車可鑒誰遣闕豎持太阿統幕潰師應象緯齊晉燕趙俱橫戈三關千里望烽堠黃沙白骨高嵯峨倉皇定策比靈武錢塘一老雄番番獨力籌兵復籌餉但有議戰無議和伯紀在宋敵可卻公孫謀鄭功難磨敕書未往翠華返金甌補缺還山河歲時朝謁禮宜備車駕胡不延安過南宮西內變倉猝敢信輔國心無他建儲甫定易儲起惜哉謀國徒媵媵曹臧

吳札去古遠奪門之悔空嗟蹉英皇復辟昧刑賞元勳誅
僇傷偏頗南遷者誰罪可斬竟冠側注鳴朝珂京房占法
幸偶中戾園同論理則那廢居王邸生已愨殉葬安用煩
宮娥革除年號愧汗簡列宗二祖陰擣訶殘碑泚滅蝕苔
蘚枯松慘撼鳴枝柯昌平望氣亦不王萬年燈火深煙蘿
前朝遺恨付宿莽行人淚盡金叵羅城隍土地君莫歌雨
帝雨帝今如何

揚州、

邗上帆檣日往還蘭成蕭瑟獨江關不爭天下三分月惟
愛江南一小山半壁人才多放達六州都督幾休閒揚舡
昨夜金焦過已擲雄心付白鷗

路 璜字漁賓貴州畢節人道光乙巳進士官河南知

縣有黔靈山樵詩文集

竹舟先生次子訪巖前輩潮議之尊人

題黃鶴樓

潮落楚門秋登臨快壯遊江山如過客天地一詩樓仰手
招黃鶴閒身付白鷗蒼茫懷古蹟漢水自東流

哭徐幼芸

尙憶西窗翦燭過何堪歲月付蹉跎詩從醉後尤無敵情
到眞時自不磨天上司文今得偶人間知己已無多壯懷
未遂悲黃土遺卷空存詎忍歌

紀夢

身世蜉蝣寄扁舟又洞庭黑雲垂海立白日失天青鷓首
爭風緊蛟涎挾浪腥死生憑一刻轉舵賴神靈

鹿簡堂年伯邀集東山十柏山房卽席賦詩呈政仍

用張子佩明經和柏山師原韻

開元舊植將軍柏

寺舊名開元

青蒼盤鬱陽明宅

有陽明書院

相傳

此樹閱世多直如朱絃堅如石錯節盤根間世英奇材何
止百年獲株株羅列翠微屏環可十圍縱千尺蛟龍怒攫
風雨宵吾師一一爲刻劃幹濟時艱須梁棟包藏元氣由
眞積世間凡品烏可方風霜剝蝕曾何益詩成欲叩吳淞
翁夕陽返照東山壁

秋日偕李德生登德溝奎文閣

高閣凌雲上登臨萬象橫疏花明屋角深竹亂泉聲遠樹
斜陽碧雙流抱岸清有時逢野老小立話秋成

五年羈異地今日喜新晴甲秀橋依舊霜天景獨清林低

山更暗水定石猶撐

夢中得此二句適與景合因足成之

遙憶長安客風塵

閱宦情

遊七星橋

虹橋百丈壓橫流
水色山光一覽收
莫向欄前驚得句
蛟龍怒捲暮濤秋

贈饒一峰卽送之蜀並柬陳雪颿明府

一峰豪興古莫比
吐納煙雲供頤指
三山屹立中天青
萬里長河落日紫
少年意氣傾流輩
摘豔薰香沁心肺
宛委奇探未見書
文壇獨出自成隊
一朝挾策走長安
獻賦金門知遇難
賈生徒抱匡時志
蘇季空傳撫劍歎
抽身歸去奉晨昏
發篋窺書畫
閉門漫說功名同
畫虎養成毛羽欲
爲鯤豈知奇禍起
天親薄雲義氣爲
昭仲覆盆屈子冤
難

雪入獄范滂家更貧從此志氣更豪縱
倜儻風流羞世用
杯酒澆殘塊磊平唾壺擊碎星辰動
場來飛舸入都門
知交瞥眼半高軒
賤子逢君歡贈縞
伯兄把卷細重論
月夕花晨相陪從
酒兵詩壘待供奉
沾春會爲典鸚鵡
買笑同教惜鸚鵡
鳳人生離合由天
意捧檄西征揮別
淚與君葭菼重蘭
交况復苔岑同一
氣峨峰爲訪李謫
仙竹馬爭迎文翁
賢寄語故人陳仲
舉相期金石訂心
堅

蔣超伯字叔起江蘇江都人道光乙巳進士有通齋詩

集五卷外集一卷

先生由刑部郎中改江西道御史後外任粵省道府均有政聲著述

甚富於光緒

丙子秋逝世

讀張陶園詩有感

一代詩人張九鉞千秋哀怨楚三湘蠻風曠雨驅銅鼓積
雪黃雲走大梁阿濫歌中如痛哭祝融峯畔是家鄉陶園
遺集分明在莫道孫洪便擅場

題潤臣城南買醉圖

春漲盈盈繞玉河九衢兒女弄陀螺水邊楊柳都飛絮草
際顛當競作窠但把酒杯澆壘塊不須身世怨蹉跎丈夫
各有千秋事何用東堂丐字驚

送少司馬鹿牀夫子致仕歸里

十年簪筆侍瀛洲，忽厭承明想舊游。
行篋尚多求畫絹，歸裝惟覓載書舟。
丹青絕代闔中令，金紫還山李鄴侯。
誰值急流能勇退，羨公五十正平頭。

有懷李學士承霖

兩人直 三天休沐必詣予，廡迨予奉諱歸，兩人亦丁內艱返京口。壬子四月訪予陋巷中三日而別，其尊人述齋先生病足厭處城市，兩人隨之入

山

去年君訪我，駐馬東隱巷。今日我憶君，悵望江之南。紅巾繚浮王，一炬焦龍潭。官軍懦不前，蟻賊何時戡。聞君奉親處，小屋如禪龕。門生與兒子，共昇淵明籃。縛屋鶴林旁，繞舍栽松栢。亂離倘能定，借子爲幽探。

有懷陳比部立

卓人邃於經術人罕識之元遺山云我足天衢彼
責守閩我器函牛彼求柱車選部一拘同滯賢愚

古今豈相遠也

陳侯乃經師舊隱句曲裡潛心白虎通博覽曲臺禮衣帶
雖如繩嗜學罕其比伏牀熨背人一見輒不喜潦倒郎署
中門吏倨憑几我才不及卿何止三十里時危寇氛熾相
望不能已欲寄尺素書河枯少魴鯉

白沙尙書行

哀吳尙書文鎔也甲寅正月戰歿黃
州同時殉難者有鄂臬唐公樹義

白沙尙書雙鬢雪帝遣昆明持玉節去年徙鎮古沙羨便
著戎裝屯大別昏昏山霧墮天雁鵝鵝浮雲同伏轡盧循
戰艦蔽江來金斗濡須盡流血上游形勢邾城重赤壁摩

空如削鐵尚書滅賊心何雄身騎天廐懸光驄豈意金錢
買燈夜忽來闖闖焚輪風焚輪風疾鳴鏑亂吹折旌竿偃
朱赫賊軍有似鐵浮圖鬼箭沿溪排不斷兩軍相搏風沙
黑絳衲兩當如血色可憐玉帳怪鷗鳴拔劍銜鬚詬狂賊
同時慷慨有唐公擊賊捐軀江水中阿耆光顏不識字忍
以譎語誣英雄華嚴巷畔重岡繞白馬西來引旒旒他年

楊震墓門前定琢豐碑鐫大鳥

尚書夫人墓在揚州金匱山華嚴巷

感憤

擾擾東南羽檄馳蕞茅原自太平時九江都尉無滕撫三
部渠魁號左髭鹽筴規模方改易柴桑門戶孰支持致成
溥海膏肓禍今日疇工扁鵲醫

猶憶流氛未熾時滿城烜赫漢官儀虎蹲銅礮連檣至鶴

膝鈴釘夾路馳何意中宵潛釋甲翻令羣盜競登陣紛紛
貉子居然過當道熊羆繫我思

何物人公與地公敢與妖讖煽羣兇匝天黃霧逾三日圍
軫蒼雲且七重名墅大都歸劫火精藍無復動晨鐘蜀岡
西畔君休望翠壁蕭條失萬松

卞範公然據覆舟 至尊宵旰不勝憂牛頭自古稱天闕
鵲尾何人控上游華表摧殘三大寺將星零落五諸侯皮
冠玉印終當殄悵望江雲涕泗流

庚申六月偶作 六首

十載潢池亂三吳物力殫吠堯謀益狡墮昇技逾奸風勢
毗藍疾星光太白寒金陵圍一潰江左愈凋殘

自金陵失
利常蘇相

繼失陷

張郃雄無敵歸朝屢立功威名諸將右辛苦大江東一死

完臣節平生有士風丹陽諸父老流涕說黃驄

丹陽之敗張忠武國

傑戰歿由是

蘇常瓦解

溱溱邗溝路西連古石梁軍門威久挫劇賊勢披猖劫火
燒輿縣枯骸滿蜀岡將軍須早下萬馬救淮揚

自笑麒麟植承明歷四年醫難除傲骨鏡已見華顛請字

占新驗凝牀秩甫遷

余以刑部郎中改江兩道御史

危言雖几誠不敢慕

寒蟬

不惜銀杯重臨歧付海鷗掖廬從數載鞍馬趁清秋曙角
何悲壯荒城莫滯留人生似鴻雁總爲稻粱謀

有客如皋住經年未得書干戈今又甚顏狀近何如淮左
難安枕燕南可荷鋤期君同小隱東菑菘甘藷

段紹印字述之號榴園陝西大荔人道光丙午舉人官
整屋縣教諭有榴園詩草

癸亥十月初九日寇陷整屋縣城紀憤

雷轟電掣陷孤城烈火燒天萬戶驚
百姓眞同藍面鬼纏頭宛號赤眉兵
金蟬密鎖三千隊鐵馬連環十二營
圍攻四月無休息雉堞愁聞鼓角聲

飛丸亂落女牆頭上豎雲梯下掘溝
穴鼠思深多智慮城狐恃險慣綢繆
敲殘七尺珊瑚樹裂碎千金翡翠裘
百萬巾箱何足惜將軍悔上望空樓

聞克金積堡志喜

西征何日唱刀環隴右疆場戰血殷
螻蟻難逃金積堡豺狼敢出玉門關
三搥羯鼓漁陽虜一曲鏡歌菩薩蠻
報道

和戎今有策腥風迅掃賀蘭山

紀難

嗟我命途舛言之痛心肝昔因護芹藻早挂青門冠諸生
不忍別留我登文壇抗顏談道義晨夕共盤桓幕驚虎狼
至呼嘯破彈丸惇惇祇兩口奮飛無翼翰巾箱盡劫掠身
命防摧殘岐黃授我術微幸家口完大軍繞城擊數月攻
克難將星一朝落四望愁雲漫寇去亂兵入搜括并日乾
焚殺無噍類土焦又成丹蒼黃脫虎口瑣尾常辛酸

北河謁楊椒山先生祠

容城道左拜神祠爲報君恩致命宜雁塞爭開胡馬路龍
泉請斬逆鸞屍淋漓碧血封章裏鍛鍊丹心廷杖時縱使
夫人能代主魚頭豈肯讓蛾眉

郭嵩燾字筠仙號玉池湖南湘陰人道光丁未翰林由

編脩官至兵部侍郎

書歎 三首

去年七月半月雨草死田中穀埋土今年一雨二百日魚
鼈哀號雜人語江聲側灌風倒吹千門萬戶無晨炊滔滔
一例四海沸書生願步心懷悲

三日不得粥一甌溝壑死骨橫如邱典男鬻妻作朝哺一
家小弱盡不留手持衾裯易一食恐懼訶禁有慚色聽飽
捲還三歎嗟不忍乘危取賤值

使君行災履災處出入泥塗忘沮洳綢繆發粟兼勸諭既
夕議成朝拜疏天行失御陰干陽雨聲蕭蕭夜復長雨聲
未已哭聲作傾囊往哺無儲梁

宋司馬翔鳳罷官歸江南

少小挾書策頗懷高世名微軀應世紛往往見老成先生
五經笥談笑四座驚置身山岳峻落筆江河傾愛其所著
詩衆雅會咸諛贈書三月讀虛篋俄充盈往者大興公招
賢每連觥獎擢必時傑羅列皆公卿嶽嶽湯黃流秋堂共
短檠才名三十年稍舒頭上纓向來師友間感激激流英聲
時衰耆舊賤道阻驂駟輕側足班行內長歌激縱橫時無
太傅賢薄宦信枯榮後賢相炫赫老氣徒縱鈿忽棹湘江
船長嘯滄浪清吳淞美秋鱸洞庭垂霜橙告歸恐後時揚
帆秋水生枉駕草堂瀕抱書卧空楹蕭條復三十空負後
來英虛懷濟時願永念休官情他日憶山堂留證江鷗盟

感事五首

天下兵常鬪書生道固窮徐揚雲不定楚粵水兼通陳色
朝昏變兵端今古同鍾山足形勝滾滾水流東

世亂非今日兵驕亦有年 國家存法令將卒苦周旋豈

足防關險空能擾市廛健兒冠被好不必校鷲肩

萬國提封遠諸州控衛多句當皆曠騎部分足雕戈但幸
蝸居穩終如蟻附何暮途思猛士蕭瑟大風歌

古法租庸絕長途驛傳煩搜求窮小邑誅斂遂多門領縣
紛無色徵兵轉益繁亂離有今日本末莫輕論

主聖臣非佞民勞法未疏徒言才蹇缺竟使國空虛盜賊
輕弓矢 朝廷用簿書盡除執法吏昭洗萬方初

奉呈江廉使

忠源

三首

覓得疲驢試短衣尺書屢召敢頻違此生戎馬真非分半

夜星辰尙合圍天盡山川皆北拱秋深鴻雁漸南飛壯心
日觸城頭角落木郊原景更非

民望 君恩日正濃書生持節要從容旌頭翼翼皆虓虎
扇羽飛飛起卧龍要識士田歸禹甸誰令戈甲滿堯封蔽
江雨檄紛馳下早晚澄清望倚筇

自是疏狂託 聖朝敢將羽翼附雲霄六州吳楚交兵氣
八月江淮斷海潮長路干戈天蕩蕩十年鬢髮影蕭蕭
彤廷記錄吾何敢已辦揚雄作解嘲

陳寶廉字幼農

原名開廷

福建閩縣人道光己酉拔貢官兵

部七品小京官

咸豐辛亥舉人乙卯卒於官年三十五

寄懷諸弟

匆匆行色逐風塵回首鄉關每愴神
敲石流光驚累黍轉萍身世感勞薪
文章有價方爭命生計無端敢怨貧
記取臨歧敦囑旨好音懷我未歸人

初七至太平驛中途見流民扶老攜幼且走且哭心甚惻然感賦鴻雁來樂府一篇

鴻雁來聲嗷嗷雄飛雌鳴求其曹攜雛遠道更相送
嗶嗶瘖口何啾嘈飄搖風雨碎羽翼吁嗟一死誰能逃
嗟爾鴻雁胡來此吾聞鳳凰深愛爾歐叢雖有鷹與鸚
借枝豈無棘與枳流離瑣尾果誰使處堂則有燕遷喬
亦有鶯彼鳩

縱苦拙維鵲巢其營胡爲使爾不得謀其生吾將使鶴鳴
九臯止通青鳥使挾爾而翔翺順風之遇會有幾傳書雖
遠知徒勞噫嘻鴻雁爾勿哀鷓鴣之寄聊復來鷓鴣且被
鴟鴞嚇黃鶴一任鸞鳩哈稻梁之謀猶未得翩翩鷺序何
爲哉行將復爾舊巢去勿爲矯翼空徘徊

南浦道中五律二首

碧嶂丹厓裏春風幾綠波江山應不改風景近如何從古
傷心地於今別意多前賢故里在容式莫輕過
地勢東南控峰巒此漸高芳塍紛綺繡畫壁滿弓刀沃壤
占豐易巖疆作鎮豪洞天通尺咫翹望首重搔

廿八都阻雨

出門十七日十日苦陰雨扶輿強登陟十步九偃僂俛仰

升高岡如搖上灘。櫓顏面惡風塵。衣裳賤泥土僕夫坐太
息有力不能努。愁霖夙所歎。况復在羈旅。殘燈翳不明。抑
鬱對僇侶。呼童烹魚洗盞酌。清醕風聲淒。入夜雲影低。
在戶抵掌談清遊。推窗盼天宇。名山近咫尺。火急披雲視。
悠悠遠道心。欲往每屢阻。前途方修遐。愁把郵籤數。嗟哉
行路難。勿爲重困苦。

贈唐海珊

己酉十二月廿九舟至杭城海珊招遊西湖諸勝作七律四章謝之

朝來立馬向吳山。十景蒼茫一望間。勝跡每因行旅負。淨
生難得此時閑。有情魚鳥醒塵夢。絕好煙波近市寰。更與
湖陰留後果。杖藜何日叩禪關。

是日擬遊天竺靈隱未果

猛覺風塵倦眼開。畫船搖盪鏡中來。笙鏞葛嶺空陳迹。草
木秦山幾劫灰。不見喧闐聞士女。祇餘寂寞舊亭臺。茲遊

算得真清絕痛飲拚將一醉回

匆匆聚首話天涯滿眼青山日未斜已向三潭看印月還
思五洞訪栖霞翔鷗祠廟留千古繫馬村莊隔幾家且喜
勝遊來較早不須惆悵問梅花

十載師門結輩行一樽話舊古錢塘湖山有願仍留約萍
梗相逢各異鄉草草遊蹤鴻爪剩勞勞世事馬蹄忙使君
便是今蘇白記取長隄保障方

時海珊刺史正
承辦東塘差務

京口夜泊

大江東下水迢迢北固齋徐入望遙六代干戈留此地滿
城燈火屬元宵金蛇影裏波翻月鉞馬聲中夜上潮今古
蒼茫雙眼底起看斗柄轉魁杓

孫廷璋字蓮士又字仲嘉浙江會稽人道光己酉拔貢
官國子監助教有亢藝堂詩集二卷詞一卷

長安秋興寄伯兄

一枕西風夢不成
鄉心橫似亂雲生
天涯總爲傷貧賤
陌路誰堪託死生
小院夜闌聞落葉
破窗涼緊逼長檠
自憐作客會非慣
淒絕中宵絡緯聲

客路艱難始見真
滿階風露但傷神
庾郎棲託同鷓羽
蘇季音書仗雁賓
潦倒功名成氣短
飄零骨肉爲家貧
秋煙西望三秦樹
應共慚爲負米身

秋暮讀尊客邨居雜感詩輒賦四章

萬里秋笳暮西風
捲地來壯心空灑落
殺氣尙崔嵬
豪傑疑天意
江山笑將才
陸沈千古恨
蒼莽入新哀

誰聚神州鐵，憑將錯鑄成。邊才今屢借，豎子總無名。廢壘
枯燐語，春田繡鏃明。九原公等在，何以謝蒼生。

萬古風雲氣，低徊入蒨緜。此生渾未卜，與爾一悲秋。立馬
河山蹙，聞雞歲月遒。難忘長觸處，何止誤恩讐。

不盡中原感，創夷惜未遑。江湖驕敗卒，村里戒餘糧。江左
思陶謝，朝端慕孔桑。天心真悔慨，事業正茫茫。

滬上贈陳珊士比部

壽祺

五首

咫尺烽煙滿，故園滄桑遺。事更何論客，中不意君先。在亂
後還驚，我尙存逆旅。奇逢寤夢幻，敝廬遙望各。聲吞只憐
舊日高陽伴，貧道難賒酒一尊。

艱難十口賊中來，漫信從今脫甌胎。逋客姓名憎襜褕，腐
儒性命賤蒿萊。但遭飢餓猶奇福，不學屠沽總廢才。千載

要離吾欲傍卻教荷鍤仗誰埋

乾坤莽莽欲何之憂患年來鬢盡絲甘已文章吹馬耳誤
同謠諑中蛾眉殺身原未傷吾道棄物無端值 聖時努
力諸公麟閣上不才報奮只能詩

空持絮酒酌春中躑躅江潭到日曛聊得死投乾淨土政
堪生謚杳冥君春心蜀魄三更淚罪草湘纍九辨文畢竟
功成還蹈海魯連多事卻秦軍

萬里尋親事可傳風濤不問死生懸功名何忍慚清夜盜
賊終由棄性天豈有帝心難鑿汝能充君類足安邊吾今
亦受橫流甌請爲蒼生贈此篇

旅夜閱唐秀才端州紀變詩書感

十六首
錄四

慘澹西風激素波悲如同谷七章歌目空程李餘何算氣

挾幽并老不磨尙憶麻鞬餘慟哭如今銅狄賸摩挲燈前
擊節生枵觸我比唐衢淚更多

血洗中原作海流狼弧虐燄一星周 橋山弓劍留遺憾

江左衣冠盡楚囚充國若存何至此謂林文忠哥舒一敗遂難

收當年誰是王夸甫大錯茫茫鑄六州

拱手山河半壁殘朔風白骨夜漫漫朝中何惜誅房瑄江

表今惟望謝安謂湘鄉侯帥頗憶孤軍懸石壘今年春曾方伯國荃率師搗金陵

已傳近聞雙節下嚴灘左季高中丞由三衢轉戰而下已入滄安九峯制軍亦出温州

入中興日月今方麗早揭江東父老看

步兵今日信途窮萬里珠江一短蓬行計悔遲虞臘後悲

裏難罄越吟中里閭惡少成酋長泉路諸親有鬼雄便得

化爲遼鶴返豈堪重問舊江東

吳可讀字柳堂號退安甘肅皋蘭人道光庚戌翰林有

攜雪堂詩文集

柳堂前輩以直言極諫著聲都下其

執林卒以直道難容去官

齊都統成祿疏稿傳誦

起用前輩感激知遇及

毅廟登極以吏部主事

統一疏當時諸大臣議

禮諸疏均載在國史與近

人所輯孤忠錄中盛祭酒

題柳堂小像有句云事經

干變世何堪情到萬難天

亦哭又云白雲深處空回

首一個孤臣萬疊山王廣

文謂鼎湖篇有句云慟哉

披髮叫大荒天乎忍聽漢

帝殤願乞 懿旨頒煌煌

上告九廟下萬方傳世傳

及無異致終以昌意承軒

甲戌冬月將旋里家子儁太史借張幼樵家望雲翰

詹移樽枉過敘別子儁太史復以詩來敬步原韻

以博子儁諸君一粲

行年六十悔蹉跎壯不如人老若何幾載雲司陪末座重
來易水聽高歌傷心西去知音少回首南臺舊侶多欲把

故人詩一和未吟先已涕滂沱

却笑年來硯欲焚好音何幸耳親聞
三冬雨雪關西路卅載風懷薊北雲
今日聲名歸太史當時戎馬是將軍
封侯不盡皆投筆自古書生萬戶勳

虛名何事落人間往日雄心馬上殘
愧我才非真御史知君功在古長安
臣心只覺天恩重法網無如聖世寬
竟夕豪情消不得此身忘却罷歸官

生平未解工詞句傾倒緣君意獨深
爐火四圍今夕話陽關一曲故人心
來啟有四人圍一爐而坐及待唱陽關句從來驟裏多燕市自

古文章出翰林爲道諸公休惜別好詩許向隴頭吟

甲戌冬將旋里同鄉諸公招飲以事辭形文水部復

以詩來敬步原韻並呈諸公兼以誌別

莫把升沉問鬼神相期負我故鄉人論交半是忘年友戀
主誰知獲罪臣驄馬不乘愧桓典貂裘已做笑蘇秦此
行敢說毫無染兩袖依然九陌塵

卅年宦跡阻旋旌慚愧諸君折柬迎負國尙容歸故里悞
人自古是虛名華筵別後關山遠佳句傳來風雨驚從此
相思成兩地燕雲隴樹不勝情

呈左爵相七律二首

三百年來第一人文章經濟絕無倫軍中韓范名儒度天
下安危宰相身造士廣開千萬厦憐才上達九重闈紫
芝朱草光芒在留得楹聯百世新

感恩知己更何人六十餘年戴德身於水見河山見華維
崧生甫嶽生申從來師律推元老自古邊防借重臣遙想

玉門關外路萬家楊柳一時新

柳堂氏感遇述懷賦此俚言七律一首 卽絕命詩

回頭六十八年中往事空談愛與忠坏土已成黃帝鼎前
星預祝紫微宮相逢老輩寥寥甚到處先生好好同欲問
孤臣戀 恩所五更風雨薊門東

周星譽字昀叔號叔雲河南祥符人道光庚戌翰林由

編修歷官兩廣鹽運使有鷗堂贍棗

金武祥云都轉詩由玉谿而溯

浣花復融會唐宋諸家一鑪冶之博麗沈鬱自成一

子冒廣生云道咸間先生家居舉益社於浙東如

許夢西陳珊士王平子孫蓮士李蕤客譚仲修暨涑

人季況兩先生均隸社籍文之太守沐潤之七弟

陳寶珊觀察

景謨

左遷甯夏郡丞索詩贈別

聞說松州道秋深尙鼓鞞客心將朔雁送爾固原西榆葉

關雲重桃花磧雪迷隴梅無便寄南望迴含悽

蘭雨眞孃墓梨雲短簿祠蠻箏清夜曲團扇冶春詞倚玉

王郎儁量珠石尉癡勝遊能幾日憔悴鬢成絲

咸豐初同客吳門事

太原三歲別薄宦竟何如俸厚全分客官閒更著書風花

晉祠晚煙樹薊門疏老我東華路勞勞感索居

君曾官冀寧道

馬背一樽酒屬君何限情途窮爭氣節亂劇出功名射虎

邊風暗呼鷹隴月晴毋將遷謫意寥落負平生

題孫駕航觀察

楫

崇效寺看花詩卷卽送之官嶺南

宣南野寺花如雪幾輩清遊筇屐西來閣下最繁枝中
有吟魂寄愁絕丁香半老態出塵練裙素面眞天人海棠
愁穉羞不語醉紅頰頰驕青春二老琴樽罷幽寄舍人好
事今誰繼寂寞東風二百年殘碑重續蘇齋記山東翰林
宰相家彩筆曾賦天台霞鳳城春好留不得騎馬去看珠
江花展卷麝煤香泥泥諸公題句留眞蹟白頭退傅足閒
情替寫春陰花上蝶一栢相屬君勿辭明年花發誰賦詩
鶯嘯酒醒碧雲暮繞樹百市空相思

劉湘芸觀察

楚英

航海朝天圖

觀察中江人時由梧州府擢官鹽法道

漢代廉平守鑑公第一人洗兵千古績報政十年身世業

毛貽鳳門才角竦麟王褒曾產蜀郭泰暫遊秦入幕名偏

重披帷治更循

琦文勳林文忠引爲上客
疏保知縣宰甘肅平羅

東山看再起南

徽試初巡銅鼓官聲播金刀族望振潢池羣盜靖谿峒淺

蠻馴異鳥休徵集

梧州郡解有異鳥如鷺
相傳太守政平乃至

靈麋瑞應臻

下太平見郡志

酬庸厪

聖主上計念勞臣括地朝宗

遠瞻天述職均解程青鳥使鄉夢碧雞神路指扶桑島躔

通析木津森森排電柱蕩蕩激颺輪承

詔趨丹地隨班

謁 紫宸乘槎衣日月曳履上星辰夾陛仙韶列垂簾綵

仗陳近攀温室樹榮奉屬車塵科第三朝舊衣冠八座新

恩光兼喜氣散作越江春

許涑文觀察

其光

招飲卽席述懷

高會天涯少飛揚不可無諸公盡臺省一醉且江湖越酒

連船到江魚出網麤花前老兄弟痛飲慰羈孤

白髮明燈下相看一倍親論文仍意氣感舊各風塵魚來
江鄉夢鶯花帝里春宦遊何日遂同是未歸人

二紀炎荒地何年見太平一官頻轉徙羣盜復縱橫遼海
艱通漕秦關苦用兵向來憂國意寂寞負平生

虎口全家出驚心淚尚吞歲餘勞戰伐意外得生存飄泊
如何極艱虞不可論今宵樽酒畔應有未招魂

甲戌冬日柳州郊行

紅旗小隊沂晴郊迎候休辭驛路遙

時中丞巡閱將至借郡僚赴四坊塘迎謁

沙草瘴雲鷺跼跼江楓殘日馬蕭蕭病羈荒徼同遷客貧

戀粗官負 聖朝苦憶論心王輔嗣吟魂零落不成招

悼

定甫
銀臺

周星詒字季貺號竊翁河南祥符人官福建福寧府知

府有竊橫詩質

譚獻云樸屬微至於古人近元次山今人則莫子偲

頻傳

蟻害金隄壞蟲裁赤縣連截漕俞吏奏免賦恤民瘡逆上
蛇乘岸羣飛蝗接天頻傳弭患詔蒼昊忍無年

寄蕭敬孚滬濱

傭書供養母客裡自安貧掌錄徵遺獻豪譚見本真森森
高行少切切旅情親修謁容疏簡耐知懶請人

晤言逢客次薜蘿便依依長日貪高對隨時候歛扉衝泥
猶我過看景恐君歸枉訪座常滿會心交獨稀

夏仲訂譚二追從共快游暑消河朔飲醉買泰西樓

法樞界有

鳥夷酒從連袂緣偏裔歸颿夜獨抽相思託江水日夕與南流

海上函來數殷勤苦念余半年嘗臥病一答未裁書落葉
紛秋郭餘生困索居感時懷結轡準欲就君紆

穎川君周忌賦悼

七月
七夕

難爾賢勤繼傷心歲序更病仍無廢事世信有勞生惜物
甘爲役忘身苦殉名坐看牛女渡滄絕組帷情

寄懷趙樾村刺史赴蜀待次

暝色數星大蟬吟獨樹豪興懷故人別西上蜀天高棧閣
三巴險囊裝六月勞更憐趨府日下坐引長刀

其地古天府耽耽豔虎狼祇祠神景教番舶達宜昌 聖
世初無外彼酋或肆強伐謀先化俗教養在循良

吾於君志趣高邁最心輪君遠官州將吾衰廢狗屠橫流
同太息際世各榮枯耿耿私懷慮東西兩腐儒

陳元祿字抱潛浙江錢塘人諸生官直隸靜海縣知縣

有腹奩詩集

詩才俊逸卓然成家惜未付刊王定甫孫琴西蘇虛谷均相契厚唱和無間

虛谷題其吟卷有往時愛客偏憐我當代論才政要渠之句

有感

禮樂羣公在風雲上將尊幽憂叫猿鶴浩蕩想鵬鯤莽莽寒雲重蕭蕭大樹昏寶刀如可握今夜過崑崙

檢舊文書中得庚子鄉試遺卷戲書其後

青燈憔悴十年心忍向尊前拂袖吟投筆居然成快事抱琴何處哭知音擲來馬骨千金重留得蛾眉一笑深庭外老槐吾愧汝百年僵立作聾喑

蘇汝謙曰此種是作者獨到處

撥盡寒灰未忍眠一聲雞唱更潛然抗懷家國紆長策放眼風雲想少年敢說杜陵儕稷契浪傳梅福是神仙輭紅

十丈愁如海遮斷明湖罨畫船

近聞

近聞南國事羣盜尙如毛

用舊句

慷慨空籌筆傳呼競帶刀

秋風吹鶴鶴白日莽蓬蒿
颯颯逢人喜狐狸向客號
縱橫餘骨肉蹂躪極腥臊
開府三邊印將軍百戰袍
論兵憐慧鳩避賊慘飛
猱事竟無完策人誰急
補牢呼天民命蹙誓帥
帝心切特進頭銜貴親馳
手勅褒奇冤三字獄痛

哭九方臯感激酬

恩起艱難涉世勞
安危想褒鄂談笑

怯蕭曹病骨驚殘照
忠魂鬱怒濤山摧孤嶂
迴天落大星高警遞關山
急邊聲鼓角騷憂時冠屢側
懷古劍空張日月懸龍袞風雲勒豹鞞
滇王饒翡翠羌使貢葡萄
明詔羣生動端居聖代遭
神威真赫濯餘孽敢貪饕會獻河

清頌臨風短髮搔

寄琴西

元龍豪氣未能馴寂寞乾坤要此身懶與時流判涇渭獨
攜孤抱走荆榛一官傀儡猶工活四海交遊且愛貧布韞
青鞵容我去江湖浩蕩作閒人

暮秋懷人雜詠

偃蹇陳夫子籠頭破帽寬大才元落拓吾道自艱難歌哭
千秋想文章八品官向來逢揖讓祇作古人看

黟程伯
剪鶴詔

執友懷黃子談經舊結盟山川開道氣咳唾得春聲遐想
排孤昊奇書擁百城摩胸千古在端不要公卿

貴筑黃敬
一彭年

風雨甘陵夜沈吟讀寄書談兵歌哭後多病死生餘壯志
紆長策勞身走傳車勒銘濡大墨端爲爾躊躇

馬平王少
鶴錫振

不見蘇生久梅花感索居青山萬里夢紅淚幾封書暮雨

琴心杳秋風劍術疏芙蓉不可寄望望渺愁余

靈川蘇虛谷汝謙

去年秋七月訪我大河濱排闥高軒過應門小吏貧緣慳

期後約書到話前因六代消魂句臨風欲愴神

瑞安孫琴西衣言琴

西有揚州懷古七律十二章余最賞其六
代山河殘雪盡早春城郭綠楊生之句

白髮三千丈青山十萬層閒蹤時獨往高躅是無能直欲

燒文字誰能著愛憎梅花寒似雪禁得骨峻嶒

震澤家笠人來泰

早朝簪筆罷危坐思沈沈吾道不孤寄斯人竟獨吟初心

同鶴懶孤抱入山深大雅期君作空憐萬馬瘖

仁和邵位西懿辰

不見思攜手相看欲斷腸秋心同窈窕春夢太蒼涼有好

都成累無言亦是狂關門成獨笑辛苦一爐香

歸安家伯鳳鳳孫

朱 綬字仲潔江蘇元和人舉人有知止堂詩錄十二

卷

顧承序云爲詩不名一體直抒懷抱以表章忠孝爲主又云年四十始舉於鄉屢上春官未第

曹楙堅蔣志疑沈傳桂董國華最契合時相唱和道光庚子仲春易簣前一日以詩付國華乞爲付刊

憫荒一首呈林廉訪

則徐

吳中古沃郡財賦稱雄藩茲歲邁恆雨禾苗汨高原秋成
亮無望日食嗟艱難地氣况脆弱何能禦飢寒昨出郭門
眺魚網張田間室廬蕩已盡所至皆空村八月秋風涼哀
鴻聲且酸使者議荒政心力良用殫首平廩市價民心賴
之安嚴霜有時零創夷復多端首計在民食舉念周惇嫫
振卹務實惠勛彼芻牧官

敬觀徐侯齋先生手書遺屬

家國淒涼涕泗橫一門孤寡更傷情生平早薄稽延祖死

友終懷范巨卿大海潮枯精衛老深山花落杜鵑鳴沈沈
幽憤無人覺但說高風百世清

徐尙書墓下作

道廣陳太巨名高李元禮愛才準初心憑權招衆毀皇風
暢休明昌途聚華軌謁塵事可羞接席意良美多見飾旒
旄詎聞充筐篚北闕恩未衰東山卧難起清夢玉堂閑隨
身萬圖史書樓一以荒瞻園委荆杞猶有紅蕙花榮落空
山裏松阿日氣陰碑趺繡苔紫不見平津閑斯人今已矣

論詩絕句

六首錄四

孰爲臺閣孰山林下筆都能見苦心最愛篋中冰雪句雲
山韶濩有清音

不妨瘦島與寒郊能洗凡音語任聳野菽山肴都有味所

難屬饜大官庖

湘江渺渺長芳蓀萬古空招屈宋魂省識美人香草意儘
教評泊到西崑

屏去風雲月露辭談忠說孝氣淋漓杜陵詩句龍門史要
到驚心動魄時

敬題楊忠節公手書速客單後

五經文選主應社標榜不數東京下賓興揚解敢大言氣
節果並方揚駕偶從里巷合賓客讀畫看書命杯斝招邀
七人盡同榜是榜當年重聲價應求道廣門戶分講學之
變始講文婁江松江共壇坫公力自領蒼頭軍虎邱高會
合數郡願盼意氣干天雲此時折柬僅小集同經誼在通
殷勤遙集居頭夜開宴月華如水鋪澄練三壺六碟先致

辭沈涵深衷戒羣彥中原已是憂盜賊伏處應非感貧賤
主人太息客不語合座須眉堪想見北都荆棘南都灰一

軍海上兵符催

海上加公
兵部侍郎

臣居草澤未拜命心知逐日戈

難回讀書許國分內事每聞時局肝腸摧生無可生死卽
死草間偷活胡能爲吾頭可斷不屈志裂背看天銜刃逝
家書慘澹血衣新頭落猶呼大明字 聖代褒忠古所無

論定千秋賜通諡泗州橋上風蕭蕭一寸丹誠塞天地吁

嗟乎東林社會徒紛紛矧附科目稱同門卽聽鴛湖些歌

唱南中士氣卑難振自餘諸君有隳節誰從故紙招殘魂

吁嗟乎疾風板蕩見忠孝衆人泯沒公常存

明史解學龍
傳從賊第四

等應成振贖者
有舉人吳達